



АТҚАРУ КОМИТЕТІ

ИСПОЛНИТЕЛЬНЫЙ КОМИТЕТ

ҚАУЛЫ ПОСТАНОВЛЕНИЕ

12.10.2022 жыл

№ 19, 3-т.

«Шығыс Қазақстан облысының білім және ғылым қызметкерлерінің жергілікті кәсіподағы» ҚБ еңбекті қорғау және қауіпсіздік техникасы туралы заңнаманың сақталуындағы қоғамдық бақылаудың тиімділігін арттыру жөніндегі жұмысы туралы

Шығыс Қазақстан облыстық кәсіподақ ұйымының төрағасы Н.Б.Қасенованың «Шығыс Қазақстан облысының Білім және ғылым қызметкерлерінің жергілікті кәсіподағы» ҚБ еңбекті қорғау және қауіпсіздік техникасы туралы заңнаманың сақталуындағы қоғамдық бақылаудың тиімділігін арттыру жөніндегі жұмысы туралы» ақпаратын тыңдап, талқылағаннан кейін Қазақстандық салалық білім және ғылым қызметкерлерінің кәсіподағының Атқарушы комитеті атап өтеді:

Шығыс Қазақстан облысының кәсіподақ ұйымында еңбек қауіпсіздігі және еңбекті қорғау мәселелеріне елеулі көңіл бөлінеді. Кәсіподақ органдары қызметінің осы бағыттағы проблемалары үнемі алқалы органдардың қарауына шығарылады. Жүйелі және жоғары әдістемелік деңгейде арнайы тақырыптар бойынша семинарлар мен оқытудың өзге де түрлері (нысандары) өткізіледі.

Кәсіподақ органдары қызметкерлерге қауіпсіз және жайлы еңбек жағдайларын жасау міндетін орындау үшін мемлекеттік органдармен, жұмыс берушілердің өкілдерімен, мемлекеттік еңбек инспекциясымен іскерлік ынтымақтастық орнатады.

Өндірістегі жазатайым оқиғалардың алдын алу мақсатында қалыптасқан әлеуметтік әріптестік жүйесі тиімді пайдаланылады. Барлық деңгейдегі әлеуметтік әріптестік жөніндегі келісімдерде, ұжымдық шарттарда тараптардың жаракаттанудың алдын алу, заңнамада талап етілетін еңбекті қорғау шарттарын қалыптастыру жөніндегі міндеттері көзделген.

Кәсіподақпен қамтылған еңбек ұжымдарында өндірістік кеңестер құрылды (554), еңбек қауіпсіздігі және еңбекті қорғау жөніндегі 554 техникалық инспектор сайланды, олардың 204-і ағымдағы жылдың басындағы жағдай бойынша оқудан өтті.

Техникалық инспекторларға әдістемелік және ұйымдастырушылық көмек көрсету бойынша жұмыс жүргізілуде.

2021 жылы саладағы мекемелер мен кәсіпорындарында еңбек қауіпсіздігі мен еңбекті қорғауды ұйымдастыру жөнінде 135 тексеру жүргізілді, оның барысында 128 бұзушылық анықталды. Тексеру нәтижелері бойынша жұмыс берушілерге бұзушылықтарды жою және еңбек жағдайларын жақсарту жөнінде 120 ұсыныс берілді.

Сонымен қатар, жүргізіліп жатқан жұмыстарға қарамастан, өңірде өндірістік жарақаттану деңгейі жоғары болып қалуда. 2021 жылы өңірде осындай 7 жағдай орын алды, оның 4-і ауыр жарақат. Жарақаттанудың жоғары деңгейінің себептерінің бірі қашықтан жұмыс істеуден жұмысшылардың жұмыс орындарында физикалық болуына бейімделмеген ауысу деп аталады.

Қазақстандық салалық білім және ғылым қызметкерлері кәсіподағының Атқару комитеті **ҚАУЛЫ ЕТЕДІ:**

1. Кәсіподақтың Шығыс Қазақстан облыстық ұйымының төрағасы Н.Б. Қасенованың «Шығыс Қазақстан облысының білім және ғылым қызметкерлерінің жергілікті кәсіподағы» ҚБ еңбекті қорғау және еңбек қауіпсіздігі туралы заңнаманың сақталуын қоғамдық бақылаудың тиімділігін арттыру жөніндегі жұмысы туралы» ақпараты назарға алынсын.

2. «Шығыс Қазақстан облысының білім және ғылым қызметкерлерінің жергілікті кәсіподағы» ҚБ басқарушы органдарына:

- өндірістік жарақаттану деңгейін төмендету үшін қажетті шаралар кешенін қабылдау;

- еңбекті қорғау және қауіпсіздік техникасы туралы заңнаманың сақталуына қоғамдық бақылаудың тиімділігін арттыру, тексерулердің саны мен сапасын арттыру, еңбек жөніндегі мемлекеттік инспекцияның және қадағалау органдарының өңірлік құрылымдарының өкілдерін келісім бойынша тексерулерге белсенді тарту.

3. Кәсіподақ Кеңесінің аппараты Шығыс Қазақстан облыстық кәсіподақ ұйымына кәсіподақтың техникалық еңбек инспекциясы жұмысының тиімділігін арттыру мәселелерінде қажетті әдістемелік және ұйымдастырушылық көмек көрсетсін.

4. Осы қаулының орындалуын бақылау Кәсіподақ төрағасының орынбасары В.Ф. Беженаровқа жүктелсін.

Төраға



А. Мұқашева